

等文證知戒取等唯是世善招生死果故名
 隨苦非真道法愚人多迷妄執生罪是故十
 使雖皆不善論其障道起過之原則唯六使
 迷心為本若不能斷非直不出因起塵罪當
 生惡道此明十使斷有難易竟 頌曰
 邈邈愛王城 峨峨欣鷲嶺 業結三界獄

利鈍十使頸 濁惡順下趣 斷漏升上頂
 著我甘苦報 怖象投立井 翹翹美化倫
 念念除心癭 宿祐遇釋尊 高慕大仙頴
 既破無明結 還同欣鷲嶺 荷載怡沖心
 隨憩靡不靜
 法苑珠林卷第七十二 經二
 都勸緣大檀越成忠郎趙安國

法苑珠林卷第七十三

經三

大唐上都西明寺沙門釋道世撰

十惡篇第八十四

述意部	業因部	果報部	煞生部
偷盜部	邪淫部	妄語部	惡口部
兩舌部	綺語部	慳貪部	瞋恚部

邪見部

述意部第一

悲夫迷徒障重奔三車而弗御漂淪苦海任
 焦爛而不疲若倉蠅之樂臭屍似飛蛾之投
 火聚良由迷沉多劫備歷艱辛具受衆苦迄
 今燒責故如來大悲不忍永弃示其苦樂令

其欣厭故於此篇畧明十惡罪福二行也
 業因部第二

惟凡夫造業乃有種種自有心與身口相稱
 亦有身口與心違者據此而論凡動身口皆
 由心使若心不善方能損物若內有善方能
 順福雖復損益不同然三業之本以心為源

故業起不同畧須料簡如成實論云有三人俱行遶塔一為念佛功德二為盜竊三為清涼雖復身業同行而有善惡無記三性殊別當知罪福由心身口業相善惡不定是故四分律及成論等若無心者雖慎然父母不得逆罪亦如嬰兒投母乳身則不得罪以無染

心故若依毗曇即說依報色起方便色以為身業聲為口業心是罪福體隱而不說若依大乘教中實說身口色聲恒非罪福若說善惡皆唯是意如意地思量發動身口即此意思身口業體若直意思不欲發身口者但名意業故唯識論云如世人言賊燒山林聚落城邑不言火燒此義亦尔唯依心故善惡業成故經偈云 諸法心為本 諸法心為勝 離心無諸法 唯心身口名 故論釋云但有心識無身口業者但有名字實是意業身口名說亦如臨終生邪見心則墮地獄起正見心即生善處是故論云離心

唯識論卷之三

二

無思則無身口業又遺教經云縱此心者喪人善事制之一處無事不辦又正法念經云有五因緣雖然無罪一謂道行無記心二無心傷然蠕蟻等命三若擲鐵等無心然生而斫物命四醫師治病為利益故與病者藥因打命終五然火虫入無心然虫入火死如

是五種雖斷生命不得然罪故知所造發業皆由心起又如然中約心境不同有上中下初據境說如然畜生比丘得波逸提然凡夫學人得波羅夷然害父母羅漢得五無間重罪然邪見斷善根人得罪最輕不如然畜罪重故涅槃經云菩薩知然有三謂下中上下者蟻子乃至一切畜生唯除菩薩示現生者是諸畜生有微善根是故然者具受罪報中然者謂從凡夫至阿那含上然者父母羅漢辟支畢定菩薩若有能然阿闍提則不墮此三種然中譬如掘坭刈草斫樹斬截死死無有罪報闍提亦尔謂無輕苦第二約心者結

罪由心業有輕重如瞋重則罪重瞋輕則罪輕故成論云或以事重故有定報如於佛及佛弟子若供養若不供養若輕毀心或以心重故有定報如人以深厚纏毒熬害虫蟻重於輕心然人若心無瞋雖然上境乃至父母亦不成逆自不諸罪例有輕重文源不述類准可知

又正法念經云何不熬若猶穀麥生微細虫不揭不磨知其有虫護此虫命不轉與人復不熬生若牛馬駝驢擔負背蒼中生虫若以漿水洗此瘡時不以草藥漸此虫命以鳥毛羽洗拭取虫置餘臭爛敗肉之中令其全命兼護此驢牛恐害其命復護虫命乃至蟻子若晝若夜不行放逸心不念熬若見衆生欲食其虫以其所食而貿易之令其得脫

果報部第三
如弥勒經問論云十不善業道有其三種一果報果二習氣果三增上果果報果者若生地獄中名果報果習氣果者若從地獄出還

經 朱七十三

三

生人中依然生故有短命果依偷盜故無資生果乃至依邪見故癡心增上如是一切名習氣果又如薩婆多論云如牛呵比丘常作牛呵以世世牛中來當如一比丘雖得漏盡而常以鏡自照以世世從婬女中來故如目連比丘雖得神通猶恒戲跳以前世時曾猱

猴中來故增上果者依彼十種不善業道一切外物無有氣勢所謂土地高下霜雹棘刺塵土臭氣多有蛇蝎少穀細穀少果細果及以苦果如是一切名增上果復有相似果且如熬者故與所害衆生種種諸苦因彼苦故生地獄中受種種苦以斷命故後生人中得短命報由斷他暖觸性也餘推可知亦如上說故涅槃經云何名為頌惜餘報若有衆生習近貪欲是報熟故墮於地獄中從地獄出受畜生身所得鴿雀鴛鴦鸚鵡青雀魚鼈猴麀鹿之屬若得人身受黃門形女人二根無根婬女若得出家犯初重戒是名餘報若有衆

生以殷重心習近瞋恚是報熟故墮於地獄
從地獄出受畜生身所謂毒虵具四種毒一
見毒二觸毒三齧毒四螫毒虎狼師子熊羆
猫狸鷹鷂之屬若得人身具足十二諸惡律
儀若得出家犯第二重戒是名餘報若有習
近愚癡之人是報熟時墮於地獄從地獄出

受畜生身所謂象猪牛羊水牛蚤虱蚊蚋蟻
子等形若得人身聾盲瘖瘵殘背腰諸根
不具不能受法若得出家諸根暗鈍喜犯第
三重戒是名餘報若得修習憍慢之人是報
熟時墮於地獄從地獄出受畜生身所謂糞
虫驢驘犬馬若生人中或入奴婢身貧窮乞

經 朱七十三

四

食或得出家常為衆生之所輕賤喜犯第四
戒是名餘報疑使大意同癡不勞別述亦名
五鈍使報 又菩薩藏經云復次長者我觀
世間一切衆生由於十種不善業道而能建
立安處邪道多墮惡趣何等為十一者奪命
二者不與取三者邪淫四者妄語五者離間

語六者虛語七者綺語八者貪著九者瞋恚
十者邪見長者我見衆生由是十種不善業
故乘於邪道多趣多向多墮惡道為欲證得
阿耨菩提超出一切諸邪道故以淨信心捨
釋氏家趣無上道 又智度論云佛語難提
迦優婆塞然生有十罪何等為十一者心常

懷毒世世不絕二者衆生憎惡眼不喜見三
者常懷惡念思惟惡事四者衆生長之如見
虵虎五者睡時心怖寤亦不安六者常有惡
夢七者命終之時狂怖惡死八者種短命業
因緣九者身壞命終墮泥犁獄十者若出為
人常當短命 如佛說不與取有十罪何等

為十一者物主常瞋二者生人疑三者非時
非處行不籌量四者朋黨惡人遠離賢善五
者破善相六者得罪於官七者財物没入官
八者種貧窮業因緣九者死入地獄十者若
出為人勤苦求財為人所共若王若賊若水
若火若不愛子用乃至藏埋亦尔 如佛說

經 朱七十三

五

邪淫有十罪何等為十一者常為所姪夫主
 欲危害之二者夫婦不睦常共鬪諍三者諸
 不善法日日增長於諸善法日日損減四者
 不守護身妻孤寡五者財產日耗六者有諸
 惡事常為人所疑七者親屬知識所不愛喜
 八者種怨家業因緣九者身壞命終死入地
 獄十者若出為女多人共一夫若為男子婦
 不貞潔如是等種種因緣不作是名不邪姪
 如佛說妄語有十罪何等為十一者口氣常
 臭二者善神遠之非人得便三者雖有實語
 人不信受四者智人謀議常不參預五者常
 被誹謗醜惡之聲因聞天下六者人所不敬
 雖有教勸人不承用七者常多憂愁八者種
 誹謗業因緣九者身壞命終當墮地獄十者
 若出為人常被誹謗如是種種不作是為不
 妄語名曰善律儀 如佛說飲酒有三十六
 過失具如中說之如是四罪不作是身善律儀
 妄言不作是口善律儀名為五戒律儀

又業報差別經云復有十業能令眾生得外
 惡報若有眾生於十惡業多修習故感諸外
 物悉不具足何等為十一者以其煞生業故
 令諸外報大地鹹鹵藥草無刀二者以其偷
 盜業故感外霜雹螽蝗虫等今世飢饉三者
 以其邪姪業故感惡風雨及諸塵埃四者以
 其妄語業故感生外物皆悉臭穢五者以其
 兩舌業故感外大地高下不平山陵堆阜株
 机丘墟六者以其惡口業故感生外報瓦石
 沙礫復感惡物不可觸近七者以其綺語業故
 令諸所有草木稠林枝條棘刺八者以其貪
 多業故感生外報令諸苗稼子實微細九者
 以其瞋恚業故令諸樹木果實苦澁十者以
 其邪見業故感生外報苗稼不實收穫少
 如是十業得外惡報 茲生部第四此別部
 述意部第一
 夫稟形六趣莫不戀戀而貪生受質二儀並
 皆區區而畏死雖復升沉萬品愚智千端至

朱七十三

六

於避苦求安此情何異所以驚禽投案猶請
命於魏君窮獸入廬乃祈生於歐氏漢王去
餌遂感明珠之酬楊寶施華便致白環之報
乃至沙弥救蟻見壽長生流水濟魚天降珍
寶如此之類寧可異陳豈容縱此無獸供斯
有待斯他氣命絕彼陰身遂令抱苦就終銜

悲向盡大地雖廣無處逃藏昊天既高靡從
啓訴是以經云一切畏刀杖無不受壽命怨
已可爲喻勿殺刀行杖但凡俗顛倒邪見無
明或爲吉凶公私祭祀賻待賓客營理庖厨
烹宰雜類之身供擬衆人之膳或復年移歲
晚事隙時閑天燦燦以降霜野炎炎而通燒
於是駕追風而快馬捧奔電之良鷹劍則巨
關干將弓則烏號繁弱遂傾諸藪孽罄披林
藪顛覆巢居剖破窟宅且羅亘野浮網弥山
或前絡後遮左邀右截埃塵漲日煙火衝天
遂使鳥失侶而驚飛獸離群而奔透鷹聞弦
而競落獲抱樹而哀吟莫不臨嶮谷而悲號

對高林而絕叫於是箭非苟發弓不虛彈連
腋洞背解頭腦或復垂綸濁渚散餌清潭
學釣鯉於河津同射鮒於井谷朱鱗已掛無
復待信之能素質既懸長罷躍舟之瑞霏膾
形軀有拈槩而兩散或復檢狝孔熾宜申薄
伐邊境度劄事資神武雖復賢聖帝王尚動

經 卷七十三

干伐哲后明君猶須征伐所以升陟之役乃
著高名牧野之師方稱盛德其中或有擁百
万而橫行提五千而深進碎曹公於尺壁撲
項帝於烏江懸奔首於高臺橫卓屍於都市
並皆英雄一旦威武當時如此之流弗可爲
記莫不積骨成山流血爲海今者王師雷動
掃殲妖逆揚兵擁節祐境沾邊旣預前駟叨
居後勁雲旗之下寧取自安霜刃之間信哉
多嶮故刀下叨頭稍下乞命斯之之罪不可
具陳凡是衆生有相侵害爲怨爲隙負命負
身或作短壽之因便招多病之果願從今日
永斷相續盡未來際爲菩提眷屬不壞良緣

法城等侶矣 引證部第二

如鼻奈耶律云昔佛在卅時舍衛國中有一婆羅門常供養迦留陀夷其婆羅門唯有一子長為取婦時婆羅門臨終勅子吾死之後汝看尊者迦留陀夷如我今日莫使有乏父母亡後子奉父母教還復供養迦留陀夷如父在日等無有異後於異時婆羅門子出行不在囑婦供養是日便有五百群賊中有一賊面首端正婦遙見之遣使喚來便共私通迦留陀夷數往其家婦恐沙門漏洩此事後共此賊方便煞之波斯匿王聞於尊者迦留陀夷為賊所煞王憶尊者瞋恚懊惱即時便誅婆羅門家并煞左右十八餘家捕五百賊斬截首足擲著壑中比丘見已而白佛言迦留陀夷本造何惡為婆羅門婦所煞耶佛告比丘迦留陀夷乃往過去作大天祀主有五百人牽其一羊截於四足將詣天祀而共乞願祀主得已即便煞之由煞羊故墮於地獄

受無量苦昔天祀主今迦留陀夷是雖得羅漢餘殃不盡今得此報尔時羊者今婦是也昔五百人截羊足者今日為王截其手足五百賊是佛告比丘若人煞害所受果報終不柯敗 又賢愚經云昔佛在卅時舍衛城中有一長者名梨耆弥有七頭兒皆以督娶最小兒婦字毘舍離甚有賢智無事不知時梨耆弥以其家業悉皆付之由其賢智波斯匿王敬禮為妹有時懷妊月滿便生三十二兒其一兒中出一男兒顏貌端正勇健非凡一人之力敵於千夫長為納婦皆是國中豪賢之女時毘舍離請佛及僧於舍供養佛為說法合家悉得須陀洹果唯最小兒未得道迹乘象出遊逢輔相子乘車橋上便捉擲著橋下壑中傷破身體來告其父輔相語子彼人力壯又是國親難與諍勝當思密報即以七寶作馬鞭三十二枚純鋼作刀著馬鞭中人贈一枚諸人愛之歡喜納受恒捉在手出入

見王國法見王禮不帶刀輔相見受便向王
讒毘舍離兒年盛力壯一人當千今懷異計
謀欲煞王各作利刀置馬鞭中事審明矣王
即索看果如所言王意謂實皆悉煞之煞竟
便以三十二頭盛著一函封閉印之送與其
妹當日毘舍請佛及僧就舍供養見王送函
請王助供即欲開看佛止不聽待僧食竟飯
食訖已佛為說法無常苦等時毘舍離得阿
那舍果佛去後開函見兒三十二頭由斷欲
愛不至懊惱但作是言痛哉悲矣人生有死
不得長久駸馳五道何苦乃至三十二兒婦
家親族此事非理懊惱唱言大王無道枉煞
九

牛跪乞命諸人意盛遂尔煞之牛死誓言汝
今煞我我將來世終不放汝死已共食老母
食飽歡喜之言由來安客未知今日佛告阿
難尔時牛者今波斯匿王是盜牛人者今毘
舍離三十二子是時老母者今毘舍離是由
煞牛故五百世中常為所煞老母歡喜五百
世中常為煞母兒被煞時極懷懊惱今值我
故得阿那舍果婦女親俗聞佛所說恚心便
息各作是言此人自種今受其報由煞一牛
今尚如是何况多也波斯匿王是我之王云
何懷怨而欲煞害即投王前來哀懺悔王亦
釋然不問其罪阿難白佛復修何福豪貴勇
健值佛得道佛告阿難乃往過去迦葉佛時
有一老母合集眾香以油和之欲往塗佛塔
路中逢值三十二人因而勸之共往塗塔塗
竟發願所生之處尊榮豪貴恒為母子值佛
得道從是以來五百世中生恒尊貴常為母
子今值佛故各得道迹 正報頌曰

戲笑然他命 悲號入地獄 臭穢與洋銅
 灌注連相續 奔刀走火燄 孽裂碎楚毒
 億載苦萬端 傷心不可錄 習報頌曰
 然生入四趣 受苦三塗畢 得生人道中
 短命多憂疾 疫病癯難苦 壽短常沉沒
 若有智情人 然心寧放逸 感應緣卷之十七驗

宋撫軍將軍劉毅驗

梁時有人沐髮用卯白驗

梁時有人賣鱓為業驗

梁時有客食炙肉驗

梁時有人然牛繫刹柱下驗

梁時有部曲截盜偷賊手驗

朱七十三

齊時有人然牛食卒驗

齊時有人捕魚見魚齧驗

唐時毅安仁停客然驢驗

唐時都督鄧公寶軌好然驗

唐時潘果然羊舌縮驗

唐時賀悅勒牛舌斷啞驗

唐時果毅孝政然蜂驗

唐時有人為讎家所害驗

唐時齊士望燒雞子驗

唐時封元則盜羊然驗

唐時京城西路店上人然羊驗

宋高祖平桓玄後以劉毅為撫軍將軍荊州

刺史到州便收牛牧寺僧主云蔽恒家兒度

為沙弥并然四道人後夜夢見此僧來云君

何以枉見然貧道貧道已白於天帝恐君亦

不得久因遂得病不食日余羸瘦當發揚都

時多有諍競侵陵宰輔宋高祖因遣人征之

毅敗夜單騎突出投牛牧寺僧白撫軍昔枉

殺我師我道人自無執仇之理然何宜來此

亡師屢有靈驗云天帝當收撫軍於寺然之

毅便歎咤出寺後崗上大樹自縊而死也右

驗出竟梁時有人常以雞卵白和沐云使髮

光每沐輒破二三十枚卵臨終但聞髮中啾

啾數千雞鵝之聲 梁時江陵劉氏以賣鱓

朱七十三

十一

為業後生一兒頭具鱗自頸以下方為人耳
梁時王克為永嘉郡有人餉羊集實欲讎而
早繩解來投一客先跪兩拜便入衣中此客
竟不言之固無救請須臾宰羊為炙先行至
客嚮入口便下皮內周行遍體痛楚號叫方
復說之遂作羊鳴而死 梁時有人為縣令

經劉敬躬繫廨被焚寄寺而住民將羊酒作
禮縣令以牛繫刺屏除形像鋪設床座於堂
上接賓未熟之頃牛解徑來至陛而拜縣令
大笑令左右宰之飲噉飽酒便卧簷下投醒
即覺體痒把搔癢疥因介須臾變成大患經
十餘日便死 梁時楊思遠為西陽郡值侯

景亂時復旱儉飢民盜田中麥思遠遣一部
曲守視所得盜者輒截手擊凡戮十餘人部
曲後生一男自然無手 齊時有一奉朝請
家甚豪侈非手熬牛則噉之不美年三十許
病篤大見牛來舉體如被刀刺訖呼而終
齊時江陵高偉隨吳入齊凡數年向幽州淀

中捕魚後病每見群魚齧之而死 右七驗出
弘明雜傳
唐京兆殷安仁家富素事慈門寺僧以義寧
元年初有客寄其家停止客盜他驢於家熬
之驢皮遺安仁家至貞觀三年安仁遂見一
人於路謂安仁曰追汝使明日至汝當死也
安仁懼徑至慈門寺坐佛殿中經宿不出明

日果有三騎并步卒數十人皆兵仗入寺遙
見安仁呼出安仁不應而念誦逾進鬼相謂
曰昨日不即取今日修福如此何由可得因
相與去留一人守之守者謂安仁曰君往日
熬驢驢今許君使我等來攝君耳終須共對
不去何益安仁遙答曰往者他盜自熬驢但
以皮與我耳本非我熬何以見追倩君還為
我話驢我今不熬汝然今又為汝追福於汝
有利當捨我也此人許諾曰驢若不許我明
日更來如其許者不來矣言畢而出明日遂
不來安仁於是為驢追福而舉家持戒素食
云尔盧文勵說之安仁今現在

朱七十三

十三

唐洛州都督鄭公竇軌性好煞戮初為益州
行臺僕射多煞將士又害行臺尚書韋雲起
至貞觀二年冬在洛州病甚因忽自言有人
餉我瓜來左右報冬月無瓜也公曰一槩好
瓜何故無耶既而驚視曰非瓜也並是人頭
從我債命又曰扶我起見韋尚書言畢而薨

唐京師有人姓潘名果年未弱冠以武德時
任都水小吏下歸家與少年數人出田遊戲
過於家間見一羊為牧人所遺獨立食草果
因與少年捉之將以歸家其羊中路嗚喚果
懼主聞乃拔却羊舌於是夜煮食之後經至
一年果舌漸消縮盡陳牒解吏富平縣令鄭
餘慶疑其虛詐令開口驗之乃見全無舌根
本纔如豆許不盡官人問之因由果取紙書
以答之元狀官人一時彈指教令為羊追福
寫法華經等果發心信敬齋戒不絕為羊修
福後經一年舌漸得生平復如故又謂官陳
牒縣官用為里正餘慶至貞觀十八年為監

察御史自向臨說耳右三驗出
報記
唐武德年中隰州大寧人賀悅永興為隣人
牛犯其稼穡乃至繩勒牛舌斷永興後生子
三人並皆瘖瘡不能言語

唐雍州陸孝政貞觀年中為右衛隰川府左
果毅孝政為性躁急多為殘害府內先有蜜
蜂一龕分飛聚於宅南樹上孝政于時遣人
移就別龕其蜂未去之間孝政大怒遂煮熱
湯一盆就樹沃蜂想以死盡殆無遺子至明
年五月孝政於廳晝寢忽有一蜂螫其舌上
遂即洪腫塞口數日而卒

唐隴西李義琰貞觀年中為華州縣尉此縣
朱七十三
十三

忽失一人莫知所在其父兄疑一讎冤家所
害詣縣陳請義琰案之不能得決夜中就燭
委細窮問至一夜義琰據案僥首不甞死人
即至猶帶被傷之狀云某被傷姓名被打煞
置於某所井中公可早檢不然恐被移向他
處不可覓得義琰即親往覓果如所陳尋而

讎家云始具伏當時聞見者莫不驚嘆

唐魏州武強人齊士望貞觀二十一年死經七日而蘇自云初死之後被引見王即付曹司別遣勘當經四日勘簿云與合死者同姓字然未合即死判官語士望曰汝生平好燒雞子宜受罪而歸即命人送其出門去曹司一二里即見一城聞城中有鼓吹之聲士望欣然趨走而入既入之後城門已閉其中更無屋宇遍地皆是熱灰士望周章不知所計燒灼其足殊常痛苦士望四顧城門並開及走向門其扉即掩凡經一日有人命門者曰開門放昨日罪人出既出即命人送歸使者辭以路遙延不送之始求以錢緡士望許諾遂經歷川塗踐履荆棘行至一處有如環堵其中有坑深黑士望懼之使者推之遂入坑內不覺漸蘇尋乃造紙錢等待焉使者依期還到士望妻亦同見之云

唐封元則淳海長河人也至顯慶中爲光祿

寺太官掌膳時有西蕃客于闐王來朝食斷餘羊凡至數十百口王並託元則送於僧寺放作長生元則乃竊令屠家烹宰收其錢直龍朔元年夏六月洛陽大雨震電霹靂元則於宣仁門外大街中熬之折其項裂血流灑地觀者盈衢莫不驚愕

右三驗出
十四
真報拾遺

唐顯慶年中長安城西路側店上有家新婦誕一男月滿日親族慶會買得一羊欲熬羊數向屠人跪拜屠人報家內家內大小不以爲微遂即熬之將肉釜煮餘人貪斷理葱蒜餅食令產婦抱兒看煮肉抱兒前火釜大極牢忽然自破釜湯衝灰火直射母子母子俱亡親族及隣人見者莫不酸切信之交驗豈得不慎店人見聞之者未斷酒肉葷辛不食在同店人向道自說

經三

法苑珠林第七十三

當院比丘清書